



## OSAKIDETZA-EUSKAL OSASUN ZERBITZUKO ADMINISTRAZIO KONTSEILUAREN 2025EKO ABUZTUAREN 27AREN EZOHIKO BILERAREN AKTA

2025eko abuztuaren 27an, 09:00etan, Osakidetza-Euskal osasun zerbitzuko Administrazio Kontseilua eratu da modu ez-presentzialean. Sektore Publikoko Araubide Juridikoaren urriaren 1eko 40/2015 Legearen 17.5 artikuluan ezarritakoarekin bat etorritik, kontseilu honen ondorioetarako, ulertzen da akta honetan jasotako erabakiak Osakidetza-Euskal osasun zerbitzuaren egoitza nagusian hartu direla (Araba 45, Vitoria-Gasteiz), hura baita erakundearen egoitza.

Aurrekoa ezarri ondoren, eta Osakidetza-Euskal osasun zerbitzuko Administrazio Kontseiluko presidentek deituta, honako kide hauek bildu dira: **Alberto Martínez Ruiz jauna**, Osasuneko sailburua eta presidentea; **José Enrique Corchón Álvarez jauna**, Eusko Jaurlaritzaren Finantza eta Aurrekontuetako sailburuordea; eta **Josu Iñaki Garay Ibáñez de Elejalde jauna**, Aurrekontuetako zuzendaria.

Kontseiluburuak quorum nahikoa dagoela egiaztatu du, azaroaren 11ko 255/1997 Dekretuak – Osakidetza-Euskal osasun zerbitzua Ente Publikoaren Estatutuak ezartzen dituenak– eta Sektore Publikoaren Araubide Juridikoaren urriaren 1eko 40/2015 Legeak ezarritakoaren arabera, eta, horrenbestez, bertaratuek osoko bilkura eratu dute, kontseiluburuak deitutako bilkura egiteko eta alde zuzenetik bidalita zegoen gai-zerrendako puntuak eztabaidatzeko. Osakidetza-Euskal osasun zerbitzuaren Estatutu Sozialen 8.3 artikuluan ezarritakoari jarraituz, Administrazio Kontseilu honetara joan dira, kontseiluburuaren baimenarekin, ente publikoko zuzendari nagusi **Lorea Bilbao Artetxe andrea**, eta ente publikoko Aholkularitza Juridikoko zuzendariordea, **Maiteder Mielgo Rubio andrea** (idazkari gisa).

## GAI-ZERRENDA

**LEHENENGOA – Osakidetza-Euskal osasun zerbitzuko Asistentzia Sanitarioko zuzendaria izendatzea.**

Erabaki da **Koldo Berganzo Corrales jauna** izendatzea Osakidetza-Euskal osasun zerbitzua Ente Publikoko Asistentzia Sanitarioko zuzendari nagusi. 2025eko abuztuaren 28tik aurrera izango ditu ondorioak, hargatik eragotzi gabe Euskal Herriko Agintaritzaren Aldizkarian argitaratzea.

**ERABAKIA:** Administrazio Kontseilua osatzen duten kideek aho batez onetsi dute erabaki-proposamena.

**BIGARRENA. - Erabaki-proposamenak, Hautaketako eta Horniketako Zuzendariordetzaren zenbait gora jotzeko errekurtsori buruzkoak, Egonkortzeko EPEko eta 2020-21-22ko EPEko izangaien behin betiko zerrendari, destinoen esleipenari eta izendapenaren argitaratzeari buruzkoak; eta, hala badagokio, horiek onartzea.**

Guztira, 7 erabaki-proposamen aurkeztu dira, gora jotzeko 7 errekurtsori dagozkienak. Errekurtsor horiek guztiak Osakidetza-Euskal osasun zerbitzuko zuzendari nagusiaren ebazpenen aurka jarri dira, zeinen bidez argitaratu baitziren hautatutako izangaien behin betiko zerrenda eta destinoak esleitu baitziren; bai eta esleipendunen izendapenak argitaratzen zituzten ebazpenen aurka ere. Errekurtsor horietan, aurkaratutako ebazpenak eteteko eskatzen da, kategoria hauetan, zehazki:

- Zeladorea (errekurtsor 1).
- Administrari laguntzailea (errekurtsor 1).
- Administraria (3 errekurtsor).
- Erradiodiagnostikoko teknikari espezialista (errekurtsor 1).
- Ekonomiako goi-mailako teknikaria (errekurtsor 1).

Errekurtsor guztien kasuan, eskatutako etendura ukatu behar da, errekurtsogileek ez dituztelako behar bezala egiaztatu Administrazio Publikoen Administrazio Prozedura Erkidearen urriaren

1eko 39/2015 Legean aurreikusitako inguruabarrak, zeinek aurkaratutako egintzaren betearazpena eteteko ahalmena ematen baitute. Zehazki:

- 1) Betearazpenak kalte erreparaezinak edo erreparagaitzak ekartzea.
- 2) Aurkaratzearen oinarria lege honen 47.1 artikuluan erabateko deuseztasunerako aurreikusitako arrazoietakoren bat izatea.

Era berean, Administrazio Publikoen Administrazio Prozedura Erkidearen urriaren 1eko 39/2015 legearen 117. artikuluan ezarritako haztapen-zerrendari dagokionez, eteteak interes publikoari edo hirugarrenei eragingo liekeen kaltearen eta errekurritutako egintzen berehalako eraginkortasunaren ondorioz errekurtsogileari eragingo litzaiokeen kaltearen artean, adierazi behar da egin nahi den eteteak, lehenik eta behin, kalte larria eragingo liokeela interes orokorrari; izan ere, Administrazio Publikoak bere plantilletako destino hutsak betetzeko duen betearazpen-ahalmenari eragingo lioke, eta, bigarrenik, hautaketa-prozesuko izangaiei eragingo litzaieke ez dutelako aukerarik esleitutako destinoa betetzeko, eta kalte horiek larriagotzat jotzen dira errekurtsogileak alegatutako bidegabekeriarekin alderatuta.


**ERABAKIA:** Administrazio Kontseiluan parte hartu dutenek aho batez onartu dituzte aurkeztutako erabaki-proposamenak.

#### **HIRUGARRENA – Informazioa eta galde-eskeak.**

Eztabaidagai gehiagorik egon ez denez, bilera amaitutzat eman da, 2025eko abuztuaren 27ko 09:15ean.



Izpta.- Maiteder Mielgo Rubio  
Idazkaria



Izpta.- Alberto Martínez Ruiz  
Kontseiluburua  
Osasun Sailburua  
O.E.

